

بہشتی شکر

(جنت کے پھول)

پروفیسر اکبر

علامہ نصیر الدین نصیر ہونہائی

ڈاکٹر آف لیٹرز (انٹری)، ڈسٹنگویشڈ سینئر پروفیسر

سینئر یونیورسٹی کنیڈا، یو۔ ایس۔ اے

پروفیسر اکبر

بہشت سبک

پرفیسر الکر

علامہ نصیر الدین تصنیف ہو برای
سب القوم حکیم الملک

مشائخ کردہ

سب سبک

۳-۱-۷، نور ویلا۔ گارڈن ویسٹ، کراچی ۳-پاکستان

فہرستِ عنوانات

صفحہ نمبر	عنوان	نمبر شمار
۵	اُن زمانا مرتضابا	۱ ✓
۸	نعتِ رسولِ مقبولؐ	۲
۱۱	ژولے گوئے پچھن دُمر	۳
۱۳	تلمرقہ	۴
۱۷	سلکِ مروارید	۵
۱۹	ذکرِ خدا اسقرکٹ	۶
۲۲	شریارتے نئے مست بان	۷
۲۶	تھتے یہ ژولے نورے سا!	۸
۳۰	اُنے مبارکے سُل	۹
۳۳	عقلے پچھن فٹ نہ	۱۰
۳۸	جبلے ثواب	۱۱ ✓
۴۰	آبِ شفا	۱۲ ✓

صفحہ نمبر	عنوان	نمبر شمار
۲۳	نعتِ نبویؐ	۱۳
۲۴	آفتابِ نور کا طلوع	۱۴
۵۰	محمدؐ سے شل محمدؐ سے شل	۱۵
۵۳	ذکرِ جمیل	۱۶ ✓
۵۶	شلے حکمتک ہزارن	۱۷
۶۰	بیس بچوں اکوغن	۱۸
۶۳	دوستِ مصطفیٰؐ	۱۹
۶۶	سلامِ علی	۲۰ س
۶۸	یاعلیٰ وہ یدو	۲۱
۷۰	حق مولا مولا دایلی	۲۲ ✓
۷۲	اؤلجی سان میڈم	۲۳
۷۵	کتب میر بر کرگ اوسای	۲۴
۷۸	شکر و منس یا فدا	۲۵ ✗

اُن زانا مُرتضا با (یعنی امام جی و حاضر)

اُن زانا مُرتضا با یا امیر المومنین

جانشین مصطفیٰ با یا امیر المومنین

امرے مالک دینے حاکم عقلے تحشیکے پادشاہ

مظہر نورِ خدا با یا امیر المومنین

نورِ قرآن رازِ فرقان دینے جی ایمانے روح

اُن حقیقتے پیشوا با یا امیر المومنین

سیرینزدان گنجِ مخفی رازِ دارِ انبیا

پادشاہِ اولیا با یا امیر المومنین

علیٰ کرخ اُنے ذوالفقارِ داعقلے ہول اُنے تابعدار

تاجدارِ لافتا با یا امیر المومنین

بائے بِسْمِ اللّٰہِ اِنَّا ہُمْ نَقْطَہُ یُثْمُ اُنے مثال

نُقْطَہُ نَقْطَہُ عَلٰی ضَا بَا یا امیر المومنین

اے اِنَّا ہُمْ = اِنَّا ہُمُ لَمْ، بُنیاد میں، بُنیاد کے اندر کا۔

روح کے عقلمرہز مانا نورے شل بلیکس طیب
 اُن دوا با اُن شفا با یا امیرالمومنین
 دس اُیون لو وقت اُیون لو جان نمں جانان نمں
 عاشقانر او سے مُدا با یا امیرالمومنین
 جا خیال کے خواب اُیون لو اُن سے خیال بلا دِخچرم
 گتے حقیقتے اُن گوا با یا امیرالمومنین
 ظاہریے دُنیا لو جا ڈم بٹ متھن با کئی بہ غم
 عالم شخصیو لو کا با یا امیرالمومنین
 نورے شل ہن دولتن بلا معرفت ہن برکین
 گنج وحدتے مقتدا با یا امیرالمومنین
 میس لو روئے دُنیاں سقم مے باطنیے پلچن نیون
 التو دُنیا تکے سنا با یا امیرالمومنین
 مشکک دُشس دمن اُن بالے مولائے زمان !
 اُن ہمیش مشکل کُشا با یا امیرالمومنین
 دچنبا بٹ دچنبا فریاد رس ! فریاد رس !
 ہر زمان حاجت روا با یا امیرالمومنین

مصطفیٰ نور مرتضیٰ جی ربِّ اعلیٰ آئندہ
 چشمہٴ نورِ ہدا بایا امیر المومنینؑ
 اُن خدایے نورے گشک با آسمانِ ذم میر سوکا
 علم و حکمتے پادشا بایا امیر المومنینؑ
 جی کے اسے ارمانے کا دا عاشقیے شریارے کا
 اُسے قدم گاہِ ذم فدا بایا امیر المومنینؑ
 ہن غریبین بای نصیر اُسے پکشدے دین فریاد اپجای
 پادشاہ اسخیا بایا امیر المومنینؑ
 ۲، جون ۱۹۸۵ء

- ۲۔ تھیکس = تھاک، محل، بادشاہی۔
 ۵۔ کچ = کرج، غنچ، تلوار۔
 ۸۔ مُدا = مُدعا، مطلوب، ارمان۔
 ۱۰۔ عالمِ شخصی، عالمِ صغیر، انسانے ایسے دُنیا۔
 ۱۔ مُقتدا، پیشوا، رہنما۔ ۱۷۔ قدمگاہ، جائے قدم،
 ۱۸۔ اسخیا = سخی کی جمع، لستنا مُد۔

نعتِ رسولِ مقبولؐ

پیغمبرِ انتہا کے پیشوا یعنی محمد مصطفیٰ
اِنَّ نُوْرَے دُوْلَتِے بُوْلُکُ سَا اِنَّ بَاِی رَسُوْلِ مُجْتَبَا
اِنَّ مَنظَرِ نُوْرِ خَدَا
صَلُوْا عَلَیْہِ وَاٰلِہٖ

فخرِ عربِ شاہِ عجم کون و مکان لو محترم
اِنَّے سُلُّ اِیُوْنِ تُوْمِ بُوْلُکُ اَیْمِ دُنْیَا کے دین اِنَّ تُوْمِ سَقْمِ
اِنَّے وِجِے کُنْے لُوْحِ وَقَلْمِ
صَلُوْا عَلَیْہِ وَاٰلِہٖ

شاہِ شریعتِ مصطفیٰ نوْرِ ہدایتِ مصطفیٰ
اسلامِے عَزَّتِے مَصْطَفَا عَالِمِکُے رَحْمَتِے مَصْطَفَا
قُرْآنِے حِکْمَتِے مَصْطَفَا
صَلُوْا عَلَیْہِ وَاٰلِہٖ

جبریلے خدمت انے گئے معراجے رفعت انے گئے
اسرارے دولت انے گئے لؤلآ کے خلعت انے گئے
عشق و محبت انے گئے

صلوا علیہ و آلہ

شاہِ مدینہ بُت شکن توحیدے کزح ایکائمن
قرآن کے بُرمانگئے دمن انے میلترای اسلائے گن
انے اسمٹر صلوات غتن

صلوا علیہ و آلہ

ایمانے بس لشکر نمُن ان دینے ہولے افسر نمُن
کفر ایستفس خنجر نمُن سس ایونے پیغمبر نمُن
چہن گئے ایئر رہبر نمُن

صلوا علیہ و آلہ

دنیا کے دین لول پارشاہ اسلائے سے پشت و پناہ
معبود یکتا گئے گو اہ محبوب و مقصود اللہ

عالی صفت انے بارگاہ

صلوا علیہ و آلہ

شکث نی لے نصیر بے نوا بیسے خوابِ غفلتے گور شبا
اُن یاد اے خاتمِ انبیا نعتنِ غتنِ اِن لورے سا
اِن بائی ایسل قرآنے ضا
صلو اعلیہ و آلہ



**Institute for
Spiritual Wisdom
and
Luminous Science**

Knowledge for a united humanity

ژولے گوئے گلچن دمر

ژولے گوئے گلچن دمر صورت رحمان ایسل
عالم بالار نکون نسخہ قرآن ایسل
نورے شرا بن نمن گورشا ژوشریارے کا
شلیکو مرکار دکون جلوہ جانان ایسل
گوس لوہلم کائناات ییشما گلچن فط اے
انے گنے اوسای خدا، بردی کے اسمان ایسل
رولوگھر یینا کے ملک سلیمان بلا
باطنے دنیا دکون تخت سلیمان ایسل
ہیرچھے اے کے بندگی ییشما شلے زندگی
نورے بہار دینما کاروضہ رضوان ایسل
عالے سبس ڈوکٹ اوسل حکمتے چلے اویبان
مملے خدا یکلم حکمتے دریان ایسل

بیتِ رسول نورے ہا، برہمی بمن اہل بیت
 ہوئے، یعنی کنعان ایسل اُولو گمی سلمان ایسل
 جسم لو بردیٹے بائی عقلے بلند بیٹے بائی
 حکمتے لعلک شلاس لعل خداکان ایسل
 نور ہدایت نمون بشری کت لوسرکے بائی
 می رُوے آب حیات حضرتے فرمان ایسل
 جسم لطیف تیس ہنغر وقتے علی بائی سوار
 علی غتینخ زوالفقار جاشہ مردان ایسل
 صورت ناسوت لومعنی ملکوت نمون
 رومڈے سلطان ایسل جیتے باباشان ایسل
 علی نئے قرآنے روح وحدتے رازکے کتاب
 منظر نور خدا جسمے نئے انسان ایسل
 نورے ہلندن نمون تحت طے شاہ زمن
 جتنے نس کانگن جاگل خندان ایسل
 رومڈے طوفان روشنی موکے ہرلتن بلا
 کشتی نوح اہل بیت چارہ طوفان ایسل

مین لئے بی قرآنے چھپی؟ ہادی دوران لئے
 راز کے حکمت پیر سورہ رحمان ایسل
 رولو خدا چپ نمون راز کے ہن برکین
 گنج ازل حاصل اے مایہ عرفان ایسل
 شلے سس عجب اور شبان او بلذہ شراب جک کے ہے!
 خمرو صال او منای ساتی مستان ایسل
 نم دیش ایون لو انے ہینشو بمن ہلذ او تائی
 عقلے کمال کے حسین یوسف کنگان ایسل
 اغمالے جاچی فدا انے ہکا ڈم ڈون مناس
 یہ گوئے بلم چور مڈم جائے ارمان ایسل
 باطنے پلچن سکر کھولے گا نصیر حقیر!
 ظاہر قرآن غتن باطن قرآن ایسل

قلمِ قو

انے جا قلمِ قو آیتی کے ایس یٹسے گچرچی
 ایر بیٹسکی متھن گن بلا کلی ایس بیسے وپچی
 فردوسے گلابن دُن انے اُس لو ایور کای
 شلے اوے چل ایر گنڈ تھجا مو تو دُخرچی
 شل گو لوے قیامتے گنے بٹ اُچن ایچے بان
 جا عشقے فرشتار ژو ایسین برغو ایفرچی
 عقل ایغر مریشل کے دلتن دُماہمی
 نفس ایغر مریسل بلا مار، بٹن دکھرچی
 اُن سروروان بالے گری ایس لو گچر چا
 دُنیا تے بیسولم سرو ن اُم لو گچرچی
 اسقر کتے بسکٹ ہیر چڈا، بیس؛ مو سا متھن بی
 اسقر کٹ، سا میر دلنے اُحس خا اتقرچی
 انے عشقے ڈوینی می روے گنے دائمی تھمکس

دُنیا کے قیامتُ لو میان اُنے اُٹلے برہی
 ”کھوتِ نُظمے ڈٹکت تھپ اے وارِس“ بیسے سیبا؛
 تھپ یرنے اپم خوشیے گون اُم لو دُورہی
 اُنے عشقہ غلیس باجہ ہمیش ، رکھیلر اِتیمی
 شُرُٹیشکٹے سازادہ جہ ناچارے بہ چہرہی
 اِن لورے سا بائی عاشقے ایس لورے سا اسقر
 اِنے اُٹل لو ہزار اُس دُخری کے لورے سا یرہی
 اے ایٹن اریٹ یو یا کے اِنے لپ سے اِخرہی
 جی دیلو بٹے اِنے بہ درزن چُپ نہ دُمرہی
 شل گو یو اکھینن ! جتے گنے مل بسین بان
 می جیتے بسای عشقے ہر لت یارے دسرہی
 اِنے عشقے شہید اَمِن گما یبا کے مبارک !
 عیے نمہ دین ”قم“ سینئر شہید دُورہی
 شلے تَشکک ادیلبجای کلی جا بیسکے گلان بے

جوٹ برن غلط سینا کے یہ بس اریٹ لکڑچی
 انسانے اڈمے وٹ لو عجب عقلے بلن گا!
 رُوے تلی دِ غُنس وقت لو چھنچلک ختھرچی
 بیر عالمے پردا اولو بلُم راز کتھے پر کس
 سہر مٹ فلکثر می ربے آسمان اِقْطَر چی
 کھوت اوبلی ا کھیس! کافرے لشکر ہرٹ لو با
 جا حیدر کمر ارا ای دین اُچھیر چی
 بیچارہ نصیر اُننے شلے ڈون اُن منکوسل بائی
 اُن ایس لو غراس ڈم غر چی سے کے اقر چی

Spiritual Wisdom
 and
 Turpinous Science
 Knowledge for a united humanity

یکم ذیقعدہ ۱۴۰۵ھ ۲۰ جولائی ۱۹۸۵ء

اے: تلک = خنجر، تلک دیس، خنجر سے مارنا،
 جیسے "تھر" سے تھرک دیس۔

سکے مروارید

(موتیوں کی لڑھی)

بموقع تشریف آوری مولانا حاضر امام شاہ کریم الحسینی

صلوات اللہ علیہ وسلم

جانشین مصطفیٰ عالی مقام
عالم ملکوت کرتا ہے سلام
جس کا دنیا کو رہی ہے احترام
جو جہاں میں ہے نہایت نیک نام
آسمانِ حُسن کا ماہِ تمام
جس کا درشن زخمِ دل کا التیام
عاجیانِ عشق کا بیتِ السلام
بعد احمد ہے وہی خیر الانام
وہ خدا کا چہرہ ہے مالا کلام
رہنما ہے جانبِ دار السلام
یکوں نہ اس کو یاد کروں صبح و شام
قابلِ صدا ستائش اس کا کام

وہ مقدس وہ مطہر وہ امام
دیکھ لو! اس کو خدا کے حکم سے
نورِ یزدان ہے وہ اولادِ علی
شاہِ دین جس کو کہا جاتا ہے وہ
خونگاہِ عشق میں اک تلوہ ہے
جو مسیحاتے زمان ہے وہ طبیب
وہ خدا تے پاک ہے زندہ گھر
واریشِ علمِ نبی سلطانِ دین
یا تجمل یا کرامت با وقتار
خونجِ شران کا جو ہے خازنِ وہی
جس کی مدحت ہے کلامِ پاک میں
بات اس کی حکمتوں سے ہے بھری

علا ماہِ تمام: پورا چاند، ماہِ کامل، علا التیام: نرس بھرنہ، علا خیر الانام: بہترین مخلوق
علا مالا کلام: جس میں کوئی شک نہ ہو، علا مدحت: ستائش، تعریف

وہ مرا آقا ہے میں اُس کا عِلم
 یاد اُس کی ہے شرابِ لالہ فِی
 اس طرف کر لے کریم خاص و عام
 میرے بارِخِ دل میں آکر خوش خرام!
 چھوڑ ہیں یا آگئے جنت کے جام
 جس سے ہم کُنڈن ہوئے اور ناکام
 سا تھیو! آگے چلو بس پسند گام
 جاگ اٹھنا اب ہو اوقتِ قیام

عِلمِ ذر ہے میں ہوں اُس کا زخیر
 محفلِ عشاق ہے بزمِ طرب
 میں بھی اک ساتل ہوں مولا اک نظر
 کچھ چہل قدمی کرو اور مگر اوت
 یہ تبسم ہے کہ جادو تے حلال!
 تیری الفت بھی کیا اکیر ہے!
 منزلِ مقصود آتی ہے قریب
 صبحِ انور کا طلوع ہے اے نصیر

۲۴۔ صفر ۱۴۰۶ھ

۸۔ نومبر ۱۹۸۵ء

Institute for
 Spiritual Wisdom
 and
 Luminous Science

Knowledge for a united humanity

بزمِ طرب: خوشی کی مجلس، خوش خرام: اچھی پال والا کنڈن: خالص سونا

ذکرِ خدا اسقرت

ژوین لے دینین ایگنن ذکرِ خدا اسقرت
 نورے بہشت ڈم بدن حمد و ثنا اسقرت
 جیتے ببا باغ لم اسقرت ایگن دسوین
 شاد خرس ییشمن جیتے ببا اسقرت
 جان بہار مو دیا مسے دیکرن ورڈایتین
 شکر و منس! دیغشی عشقے دعا اسقرت
 نور کے سا! چل منے علمے سمندر کن
 موگیکل فر میان نور کے سا اسقرت
 نورے مثالک کما؛ چلو کے باغن کے باہی
 گوس لو برین ییشما نورے لقا اسقرت
 رومڈے دنیا ایون حکمتے تومے ڈم سقم
 نورے ہر لتک من دین لوزا اسقرت

نورے شہنشاہِ لباسِ جسمِ لطیفُ لو ایل
رعلے کمالِکِ بدنِ نورے بسا اسقرت
باغِ بہشتِ دیمیا ہر رکے اسقرت کے کا؟
موق منرُ اسقرت چغہ کے ادا اسقرت
بٹن بدن اسقرت گیما امک اسقرت؟
علم و ہنر اسقرت، صدق و صفا اسقرت
دینے دور ویک اسقرت، خدمت قوم اسقرت
نیک عدتک اسقرت، شرم و حیا اسقرت
انے شلے چغہ اسقرت، انے صفیک اسقرت
یاد و خیال اسقرت، مہر و وفا اسقرت
نورے دمنے عشق کو جی دیمیس اسقرت
انے شلے باغرد کون پرموگنا اسقرت
عاشقے روحانیت انے شلے جنت بلا
میشما گلچن فٹ اے باغِ خدا اسقرت
اسقرے تمثیل ایل جلوہ جانانے راز
ان شلے سے قبلہ بائی، قبلہ نما اسقرت

رنگِ خدا کا دُخروا اسے یکتا گلاب!
 عالمِ حُسن و جمال! اُنرِ فدا اُسُقِرث
 نورے کرامت ایسل بائیمو کے ای گل بہار!
 تازہ دُخرتھے بڈن نورِ ہُدا اُسُقِرث
 علم و ہدایت نے میر اُسُقِرثک دوڑی
 عقل بہشت ڈم بڈن جیتے سنا اُسُقِرث
 اوے چلن یلا بائیم اُسُقِرثک دِسکی
 یہ گو کے بڈن غمے اسرغیبے دوا اُسُقِرث
 چور دِمو بٹ چور دِیین روضہ باطن ایسل
 ییشما ایلے رش رشے عشقے فنا اُسُقِرث
 نظمِ نصیر ڈم دِیم انہ شلے اُسُقِرثکے نس
 کھولے بڈا اثر وین شل گو یو ایتے غذا اُسُقِرث

لے: رنگِ خدا = رنگِ خدا (۲/۱۳۸)

شریاریے نے مُست بان

میں نورے دمن ایتڈمے شریاریے نے مُست بان
میں ایتڈمے شلے حکمتے جبر یاریے نے مُست بان
ان نورے خیالین نما شلے رکت لو بہ دیہم
بس اہل محبت شلے اسرارے نے مُست بان
روئے شہر لو ہین عطرے دکانن اکھیسٹن گا!
عطر کٹ بڈا کلی بے لمی عطارے نے مُست بان
در بارر اتوسای کلی جاسر کٹے سلطان
در باری ایون سکتکے در بارے نے مُست بان
انے حُسن و جمال جنتلم لعلکے بازار
عاشقتک او سل انے شلے بازارے نے مُست بان
روحانی ہوکے عالم ایون قبضہ نے دو من
سردارے سینم برنکا سردارے نے مُست بان

تِلْتَقِشُو گِیا پِنجوے بہ ہینانِ فکرے اُیْمکِش
اسلامے بزرگانِ شُکے افکارے نے مُست بان
انے نورے ملاقاتُ لو ہن سِکھئے دِنیان
میں اہلِ نظر بان کے اُو دِیدارے نے مُست بان
میس مکلے اپمِ کلی عجبِ نامی ایش بان !
میس پُر مو چو آئی دِلبرے، دلدارے نے مُست بان
ان دینُ لو، دُنیا تُو موی حکمتے غمخوار
دُنیا کے قیامتُ موی غمخوارے نے مُست بان
انے عشقے فدا بان لہ می انے سُکھُ لو گدا بان
شُکے رازے دمنِ حیدر کرارے نے مُست بان
قربانِ ایسٹمِ دولت و دینارے بہ شُرُیْش
دانا سس اُبون می روے دینارے نے مُست بان
روحانی غرن، جنتے باجان اپنی اوس
شُکے فوولو دُرِم سس انے دوتارے نے مُست بان
بی مستی سبک اویشما دُنیا و لو سراسر
اقرارے نے مُست بان اہل انکارے نے مُست بان

راحت کے اُیْم اِنے شُکے دِجَار کے اُیْم میر
 اِنے عشقے سفرے سختی کے دِجَارے نئے مست بان
 میخانہ بہ مقصود می دیدارے ایش بان
 خَس خمرے می بے حضرتِ خمارے نئے مست بان
 رُو لے زِکرے حجابُ لود کو بیل صُورِ سِرافیل
 اِن نُو رے پُریل، شُلگیو مہ مارے نئے مست بان
 اِن صورتِ رحمانے ظہورِ حُسنے جہان
 عُشّاق ایلون عالمے داتارے نئے مست بان
 اِن آلِ نبی، نُو رِ علی، ساقی کو شر
 کو شر بلا کلی سس شُکے سرکارے نئے مست بان
 سس خمر ازلے مستے ہن جی نما دو م
 د ا عالمے سس بادۂ قہارے نئے مست بان
 اِنے بچو صِفَتِک میسر گہس نُو رے بسیک میر
 اِنے شُلگیو شا موسمِ گلبارے نئے مست بان
 اِنے نُو رے ہر لت یارے می مُو رُو لودِ سِر چن
 النوارے بہارِ یلثہ می گلزارے نئے مست بان

مولائے کریم نورے دمن عالمے سرتاج
 ان یٰنِشورِسْ اِنے شُکے شُرپارے نئے مست بان
 اسمانے اِعتنْ ڈُم دُسو کمُ نورے کمن بائی
 بیّن انڈه دُفس بان کے او الوارے نئے مست بان
 بیچاره نصیر می شُکے مُکے گوڑے گدا بائی
 عاشقیتک ایلون مُکے اشعارے نئے مست بان

**Institute for
 Spiritual Wisdom
 and
 Luminous Science**

Knowledge for a united humanity

تھتے یہ ژولے نورے سا!

تھتے یہ ژولے نورے سا! اُنے چھقُر بُٹ اُیم
 چھننے یہ ژولے رُوے رَشنی! اُن لے شربُٹ اُیم
 رازِک اُیون گٹی بدن حکمتے قرآن لو
 اسرگی قرآنے چھیی! اُنے سرے برُبٹ اُیم
 نورے لباس لو دُکون جاشو کومی یثدما
 تھم بیاین او منیس شکے دتا غربُٹ اُیم
 دیوے جو رے گنے منیس علمے غنیخ ذکرے کھی
 بُٹ غقیم نا جہاد، فتح و نطفربُٹ اُیم
 ڈوم بلا کلی زندگی، سخو اپی کلی بندگی
 عشقے بسک بُٹ اکھیس، علمے سفر بُٹ اُیم
 شلگو یو مرکار دُکون لعلک ایشل مک دو می
 چلوک اُیون بے مثال نورے گچھر بُٹ اُیم

نُورے بسیکتے باغبان! اُس لو تو مرک ایگی نا
 اُنے صفتکے باغ لُم میوہ تر بُٹ اُیم
 زوین لے قیامت منی ذکرے دشر گٹی منین
 ذاکرے التل لو بُرغوے عتر بُٹ اُیم
 حکمتے اسمان لُم شپیم کے میم دیسکچا ی
 نورے غذا بُٹ عجب، عقلے شکر بُٹ اُیم
 یوسف دوران لے رومڈے کردینڈہ بین
 ایڈے اُیم نس ایسل روجی عطر بُٹ اُیم
 ان لے عجب در بن کون و مکان غیچلا
 اچھی نگون ڈوکت برین یارے ہنر بُٹ اُیم
 موٹلے سان جل منی چشمہ نور ایچمڈ
 دینے سنا پادشا مہرے نظر بُٹ اُیم
 اڈی غسٹن بیچنا انے شلے مجنون میام
 عشقے بیابان لوبی کلی نکر بُٹ اُیم

لہ: ایڈے = ایڈڈہ۔

علمِ حقیقی ایسل جلوہٴ جانانِ بلا
 فکرِ کثِ ایونِ ڈوگتِ فتِ اے علمِ فکرِ بٹِ اُیْم
 عقلِ ساگورِ جلِ منی یلِ فتِ اے مٹو ساڈہ دوس
 علمِ اچھقرِ کثِ ایسل نورِے اثرِ بٹِ اُیْم
 وقتِ علیے ساگرا ایشِ نمَنِ ددرِ در
 جاشلِ اُیْمے معجزا عشقِے ددرِ بٹِ اُیْم
 اُیْمِ دشنِ یثدِ با ایلِے سسِ ایونِ بربان
 از لے بربمِ جُونِ ابدِے بربِ بٹِ اُیْم
 سگتِ کئے قرآنِ لو رازِ کتے چھٹماہِ بینِ
 عالمِ شخصِیو لو جارِ گنجِ گھرِ بٹِ اُیْم
 ظاہری دُنیا تِ لو خوشخبرِ کثِ بٹِ بدن
 "می شہِ دیدارِ ژوٹخایِ" سینسِ خبرِ بٹِ اُیْم
 عالمِ دیدارِ لو رتِ رکتے نورِ کثِ بدن
 جلوکے قانونِ لو فرِ نمہِ فرِ بٹِ اُیْم
 لذتِ ادورِ بیے اتچا امرِے گنِ لو میرنے نی
 میشما ہن گنڈنے گوٹو گلگھرِ بٹِ اُیْم

مٹک نمہ جوڑ دیسے نصیر غیبیہ پکشن دوئی گور
ذکر خداوندیر وقت سحر بٹ اینک

۱: ثمر = میوہ، ۵: سٹو = آسان، ۷: میوہ تر =
تازہ پھل، ۹: شیخ کے میٹم = کھانا پینا، ۱۲: چشمہ نور =
نور کا چشمہ، ۱۸: گنج گہر = جواہر کا خزانہ، ۲۲: ٹک نمہ =
ذرا سوکر، وقت سحر = صبح کا وقت -

Institute for
Spiritual Wisdom
and
Luminous Science

Knowledge for a united humanity

اُنے مبارکے شُل

اُنے مبارکے شُل ہمیش اُن میس لو مے کا بَم جُون
در دے گنے در مان جُون دا گالکتر میلیم جُون

اُن زمانا بے مثال انسانِ کامل یا امام !
رُوے طیب عیسیٰ جُون، دا علم لو آدم جُون

ہُند و نور گے جانشین ! اُن بانبوتے نورے پُکٹ
وارثِ آلِ نبی ! اُن مُصطفیٰ ہمد جُون

نورِ یزدان رازِ قرآنِ علی بل دا اُمنے شہر
دینے آسمان لو درخشان نیرِ اعظم جُون


اُنے امامتے سرگیش ہن نورے دُنیا تنِ بدن
رُوے ایش ڈم اُن بہ سو کما نورے بجلیے لم جُون

اُنے تلام کھینے مولا ! اَس پچھنم نما لو ڈمکٹ
اَس لو اُنے یاد او سمر ہن نورے دُنیا نِیم جُون

بیٹے ممکن بلا زمانا نور یزدان او منس
 لُو ڈٹکت تھپ لُم مسافرے گن لولا طین تھم جوون
 علمے بلے پاکیزہ چل ڈم دینے شہر آباد نمون
 دایا یک بے سبب ایت بل ایون مرچم جوون
 گو الجقس او من سقا بلا نورے رحمتے پکت ہمیش
 گو نموغلت ڈم غناس ممکن انر پکت تم جوون
 اوئے نصیب دنیائے ظاہر، می نصیب بلا نورے شکل
 مین بہ او مایبان لے مولا! ائے ایتم استم جوون
 زندگی گویا ستارے بٹ ایم نغان جوون
 راحتک بڈا زل جوون، دا علم کے فکرک تم جوون
 فس مناسن ام لو ان پیدل گچر چھے دینے گن
 انے محبت، سین کے پنچا ان جہاز ہلیم جوون
 قومے خدمت دینے یاری کامیابیے رت گنن
 توبہ توبہ، بے کے گویا ہن دسن ڈوکت قم جوون
 جاشہنشا شلے علم نیشن اسن ہی ہیق منی!
 یا الہی رو سقم مے نا! سقم پرچم جوون

بٹ کے کے حکمت غمٹ بلا کھوے ایسل قرآن لو
 کم سبک بان بٹ جون، دا بٹ سبک بان کم جون
 نورے شل گوین با کے بس دا تخم ایم دشنر بہ مون
 رحلے ای ییشما بہشت لو گو کور ورم تخم جون
 نورے معشوقر ایشم گستاخ نمن جا جیمو حال
 اے مجتے فوؤ لو میئی بی اُس ہمیش جم جم جون
 علم گویا بے حسا بن رزق و روزیے ہر جون
 علم اپم حالت ایسل نگے قحطے دین لم ضم جون
 ما دوامت اے کیوچ مولا دوا بلا پادشاہ
 کامیا بے ہول جون دا قلعہ محکم جون
 مای ہرک لم اختلاف ڈم دینے فصلر آفتک
 دشمنی مل لم متھیل، دشمنی ایسل نا تم جون
 عالم ظاہر تو من بلا ان اتے ڈم میوہ با
 تو م کے ہنی گوی با کے بس ناکل جہان گوی ہم جون
 ابن آدم با کے گوی با، ابن عالم با کے گوی
 آدمی! آدم جون منے، عالمی! عالم جون

اُن کے مولائینسن با نورے تائید گورمنٹس!
می نصیر سڈطانے پکشدے علمے پیر کلس یم جوون



**Institute for
Spiritual Wisdom
and
Luminous Science**

Knowledge for a united humanity

عقلے گلچن فٹ نہ

عقلے گلچن فٹ نہ مولا نورے دیکر نے رکٹ ایسل
 علمے توم یارر نکولن عطرے اشپریکٹ ایسل
 نورے مغرب ڈم قیامتے علمے سان میر چل نمُن
 چل مناس ڈم بوڑ مناس ڈر کل جہان سم سکت ایسل
 شلے ہر لتن میر دیار شی روے بہار بلا میغمانا
 گٹی منی ہر گس خرو نخن شو قے آسمان ٹکٹ ایسل
 انے شکو تیکٹ جوڑ دین دین دینارے دولت دیسچان
 ان لے مستی ان لے غفلت سرے جون انے دکٹ ایسل
 گوٹس از لے آئینہ گوٹم انے تجلی ایسل سر
 ذکر مولا فت نہ گا! انے آئینہ ضا مو زکٹ ایسل
 جیسے گہو مار عقلے شریار ذکرے برکت ڈم بلا
 ان خدا ایک تل نکولن روڈ ٹکٹ گوٹس تکٹ ایسل

اُن عیلعے روحانی اولاد باکے آخر لپ اپا
 عقل اپم جندار بیسین کلمی او مؤ اُسکے ٹے نکت ایسل
 چنے امام ایسی باکے گو سے کا ہن سکشن ایرین لہ شیرا
 جیتے گو سٹم دیتی برین مؤ دینے خد متے شک ایسل
 ذکرے شمع اُنے نیسپلن ای دا ہملکم ایستجا
 رانے سخاوت رانے حفاظت اُنے رور رانے شک ایسل
 سکو پیغمبرے خدا ژم نورے دولت اور سوم
 کفرے سے او پھر نیس کے نخت و دولت ٹھکٹ ایسل
 دینے گو ڈلر ایر اقرم علمے چل گا ایلم
 ہنپا دُنیا ضا غریب ٹھکٹ ہنپا دس مسرٹ ایسل
 جاشہنشاہ مینے کے ایٹشان کل جہان لو سیل ایچای
 جاسلیمان ایٹنا کے تس ہنغرے ترکٹ ایسل
 روعے جہاد لو وقتے مولا فوجے سردار بائی ہمیش
 باطنیے پر گا مثالر سر کے دُنیا جٹ ایسل
 ہن کلک لو لجن پچای خاقان جون بٹ شانے کا
 ہنے یبوے بلغن اخو لچلا ہی البش زک زکٹ ایسل

مصطفیٰ کے مُرتضاً اُغرُم طعا من نورِ بلم
 چوکِ میارر دیکھی لیکن تازہ ہک ہک ٹٹک ٹٹک ایسل
 علمے ضم ڈم فکرے دسا دس عقلے حلے ہک یو ہیم
 تخت ایچی میوہ نیکن نورے قوم ڈم ڈرک ایسل
 انے مجتے فوے بہ ٹھس کھولے دنے بٹن بان غینے کم
 غینے ہم سس دوہمن دادن درم کلی ڈک ایسل
 جا قلم جا جی کے اس دا ہستی ٹوک قربان ایتم
 اُنے اُیم عشق کو نہیر شامو تو ایچن ٹٹک ایسل
 اُن کرامتے پادشاہ با دا جسے ہن تلتق گدان
 بیلٹے میمی دوستی جا عقل ایسل جا ہکٹ ایسل
 گال اخو لجا بیس چبا مینے شرک نا دُنیا تر دژان؟
 جیتے جی بائی جیتے شرک جا ٹوک ایسل جا شرک ایسل
 نورے تشریف دیم متھیتی گاجسے غافل اینبا
 شلے فرشتا ای درم دین دیسے نسین ٹٹک ٹٹک ایسل
 عالم ملکوتے ہک دو نان عجب شانن بلا
 نورے مخلوقک او سل دا اوے . یلم جلمک ایسل

اُن نصیر ہے گا ہمیشہ حُسن گلشن دیپنقر
عقلے گلچن فُٹ نہ مُوّا اُن صبغة اللہ رکت ایسل

۲۵، جمادی الاول ۱۴۰۷ھ

۲۴، جنوری ۱۹۸۷ء

Institute for
Spiritual Wisdom
and
Luminous Science

Knowledge for a united humanity

جائے ثواب

- ۱ جائے ثواب دامنِ خدائی بگو گجاست ؟
آن کعبہ مبارک و آن خانہ خداست
- ۲ دانی مثالِ کعبہ اعظم کہ چہست آن ؟
این خانہ شریف کہ در پیشِ رُوئے ماست
- ۳ آن چہست خانہ ز خدا آنچه زندہ است ؟
مولائے حاضر است کہ او نورِ کبریاست
- ۴ ایزد ولیٰ و امر کہ خواند در کلام ؟
آن را کہ او امام زمان است و رہنماست
- ۵ بتائے از حدیث کہ باپِ نبی کہہ بود ؟
واللہ! باپِ عالمِ نبی ذاتِ مرتضاست
- ۶ مولائے مومنان کہ بود بعدِ مصطفیٰ ؟
آن نائبِ رسول کہ سرتاجِ ہل اتی است

- ۷ آن کشتی نجات کدام است در جهان ؟
 شخص امامت است که از آلِ مُصطفاست
- ۸ نورِ خدا کجاست که تابانِ همی رُو د ؟
 در هستی امامِ بحقِ شاهِ اولیاست
- ۹ آیا هموست جبلِ خدا یا کسی دگر ؟
 انسانِ کامل است که در دهر پیشواست
- ۱۰ آئینہٗ خدائے نما کیست بر زمین ؟
 سلطانِ لافتا و شہنشاہِ اتماست
- ۱۱ شاہِ زمانہ کیست و سردارِ دین کجاست ؟
 مولا کہیم عصر کہ سرچشمہٗ صُداست
- ۱۲ نوری کہ با کتابِ سماویست آن کجاست
 در جَبیہٗ مبارکِ مولا و مُقتداست
- ۱۳ آن مظہرِ خدا و امامِ زمانہ کیست ؟
 آقائے ماکہ از ہمہ رُو پاک باصفاست
- ۱۴ خود خازن و خزانہ و مفتاح و در کہ است ؟
 آن نورِ حقِ امامِ مبین میرد و سراست
- سنگِ بنیادِ جماعتِ خانہٗ سونئی کوٹ نہادہ شد :-

چہار شنبہ، ۱۷ جمادی الآخر ۱۴۰۴ھ /
 ۲۱ مارچ ۱۹۸۴ء، سالِ موش۔

آبِ شفا

(مُسَدِّس)

<p>جیتے طیبِ بایِ شُوا دوڑی آبِ شفا کھوت بہ سرنِ یاخدا!</p>	<p>۱- مظہرِ نورِ خدا در دکھے گئے می دوا نرے امنای می سُنا</p>
<p>جیتے دوا دوڑی! نورے غذا دوڑی کھوت بہ سرنِ یاخدا!</p>	<p>۲- دم کے دوا دوڑی عقلے شفا دوڑی میمو ببا دوڑی</p>
<p>دکٹ ڈے نبان دکٹ پنچی بی خبرن شکٹ پنچی کھوت بہ سرنِ یاخدا!</p>	<p>۳- میس لو بلئم زکٹ پنچی غیرے بلئم دکٹ پنچی سکٹ ژوشی میسرٹکٹ پنچی</p>

<p>صاف و صفا ایرغیان وقتے دمن بائی عیان کھوت بہ سرن یا خدا!</p>	<p>۴۔ آبِ شفا موم میان برنگا، ایترم میان رممٹے بٹن مہربان</p>
<p>عقلے نباتن ایسل نور کتے ذاتن ایسل کھوت بہ سرن یا خدا!</p>	<p>۵۔ آبِ حیاتن ایسل ابدے بجاتن ایسل شاہِ صفاتن ایسل</p>
<p>انے شلے شانر سلام انے چلے جانر سلام کھوت بہ سرن یا خدا!</p>	<p>۶۔ خضر زمانر سلام انے میلے سانر سلام لعلکتے کانر سلام</p>
<p>آبِ بقا، آبِ نور شاہِ بلا مولا ظہور کھوت بہ سرن یا خدا!</p>	<p>۷۔ آبِ شفا بلا ظہور نورے نامی کوہِ طور میسس لو ہمیش بائی حضور</p>

<p>رحمتے فرمانِ غتن عشقے ترانانِ غتن کھوت بہ سرنِ یاخدا!</p>	<p>۸- حکمتے قرآنِ غتن راز کثے آیانِ غتن مدحتِ سلطانِ غتن</p>
<p>آبِ شفا تیسئی منس! کینہ کے گٹ جیسئی منس! کھوت بہ سرنِ یاخدا!</p>	<p>۹- نورے ممرِ جیسئی منس! مشکلتر چھیسئی منس! نفسے جکثر لیسئی منس!</p>
<p>رازِ قیامت ہین نورِ ہدایت ہین کھوت بہ سرنِ یاخدا!</p>	<p>۱۰- علمِ امامت ہین انے شلے حکمت ہین گنجِ سلامت ہین</p>
<p>ان میسے بلدیو لو بائی ایش کے پردیو لو بائی کھوت بہ سرنِ یاخدا!</p>	<p>۱۱- عالمِ شخصیلو بائی ذکر کثے گلگیو لو بائی جسمُ لو بائی جیولو بائی</p>

<p>نورِ علی بائی امام وقتے سخی بائی امام کھوت بہ سرن یا خدا!</p>	<p>۳۲- آلِ نبی بائی امام ذکرِ جلی بائی امام علمے غنی بائی امام</p>
<p>عقلے خطاب میر نمُن روزِ حساب میر نمُن کھوت بہ سرن یا خدا!</p>	<p>۳۳- نورے کتاب میر نمُن علمے جواب میر نمُن عشقے شراب میر نمُن</p>
<p>کوشرے فریر دلیل! ساقے ذکرِ جمیل! کھوت بہ سرن یا خدا!</p>	<p>۳۴- آبِ شفا! نورے چیل! جنتُ لمُ سلسبیل! جانِ دوائے علیل!</p>
<p>حکمتے آبِ شفا انے قلمِ مرحبا کھوت بہ سرن یا خدا!</p>	<p>۳۵- منے ترُو نصیرِ گدا! نورے دمنے عشقے کا سجدہ ایتس یثدا</p>

نعتِ نبیؐ

- ۱- محمدؐ کے عشقے نس دیدی
دُوا دیدی نفس دیدی
- ۲- اگر شریارے ری باکے
بُہن گوس تھارے ری باکے
- ۳- محمدؐ کے شل اُیکم یثدم
ہمیش انے دین سقتم یثدم
- ۴- حبیبِ کبریا ان بائی
دلیل اولیا ان بائی
- ۵- خدایے خاص شگلو ان بائی
برزن قرآنے الو ان بائی
- ۶- انرشاہ عرب سیببان
یقیناً نور رب سیببان
- ۷- خدایے غیبے رحمت بائی
شگلو تکے عشقے جنت بائی
- دُرودن سین سلامن سین
دُرودن سین سلامن سین
رور گہو مارے ری باکے
دُرودن سین سلامن سین
خیال نمہ اُس لوکم یثدم
دُرودن سین سلامن سین
امام انبیا ان بائی
دُرودن سین سلامن سین
سکوت تک ڈم سکلو ان بائی
دُرودن سین سلامن سین
کما لکٹ بٹ عجب سیببان
دُرودن سین سلامن سین
اتوغنس نورے دولت بائی
دُرودن سین سلامن سین

- ۸- ایشے دل ایرنمن معراج
خدا اوژن بنم سرتاج
درودن سین سلامن سین
- ۹- محمد مصطفیٰ شل همین
نبوتے نورے سا بل همین
درودن سین سلامن سین
- ۱۰- محمدینے رہبر بائی
خدا یے نورے مظهر بائی
درودن سین سلامن سین
- ۱۱- پنجم ان شکله انسان بم
مگر ان نورے ہن سان بم
درودن سین سلامن سین
- ۱۲- اکھیس ہن عقلے دنیان بم
ایم بلا انے رسالتے شان
عظم بلا حکمتکے قرآن
عجب تل معجزکے دنیان
- ۱۳- دکھل کامل کتابن، ضا
غتن دلتس نے ژولے دانا!
جہان لو ام لو انے یژا؟
درودن سین سلامن سین
- ۱۴- خدا یے برکتن دیرائی
اکھیس عطرکے کتن دیرائی
عجب لعلکے چھیسن دیرائی
درودن سین سلامن سین
- ۱۵- محمد فخر عالم بم
نبی تک الچی خاتم بم
خدا یے اسم اعظم بم
درودن سین سلامن سین

۱۴۔ نصیرے کلہ بٹن ارمان
مگر کھن یس اپکے حیران
مناسرا نئے گنے قربان
دُرودن سینین سلامن سین

✽



**Institute for
Spiritual Wisdom
and
Luminous Science**

Knowledge for a united humanity

آفتابِ نور کا طلوع

دالین لے دِ مین چور دِ مو چور، می ببا دِ می
تیی بیس گچھا چان دِ مین دِ مین نورے سا دِ می
ان ہسّر خدا نورے دمن ظاہر و باطن
می چھنم ڈٹٹ میسے گری سم سٹ نما دِ می
ان زندہ کتاب حکمتے بل عقلتے دریا
میر کعبہ نمون حضرت یزدانے ہا دِ می
ان آلِ نبی نور علی خازنِ قرآن
می رومڈے گنے دینے سعادت نکا دِ می
ان مظہر حق عرشِ خدا دینے شہنشا
جار جلوہ اولِ غنم لو زلزلہ دِ می
اسلامے علم دینے ڈکو عزتے گندو
شہرِ میٹھے گلاب نورے چین روے بسا دِ می
جا اولجیے دیدارے گنے ہیش کے فکر نیش
جاشل بلیکس شہنا ایسل مو سٹا دِ می

مَوْ شُکْرُو خَدَا یَا اِشْلے سِس یرنِ غریبِ بَم
 اُنے رجتے بُل برکتے کان شْلے تھکا دیکھی
 جَالُوْرِ عَلٰی سَاقِی کُوثر " غتنس کے
 کُوثر نے نَسَن دَیْم جُوْن بُوٹ مَزَا دیکھی
 جا اے غُطْرُ دُ سوک " علی علی " سینس کے
 فِر دُو سے شراب پک نَمْنِن جاشیشا دیکھی
 غافل اَمْنَم اَس لُو بَم اَشْکَا یُو نِمِیَا خِیر !
 دَا یَا دَا بَیْتَمْرَجَلِی جُوْن اِن سَتَا دیکھی
 مِیْن عَشَق لُو دُو پَان کے فَنَابَان کے مَبَارک !
 شُرُیْمِش لُو ہِی ہِیْتِیْق مَمْنِن مَابَا دیکھی
 دِیْدَارے دَمِن دِیْمِی مَکْر عَشَقے سِس اَمْبَان ؟
 اُنے شْلے سِس اِلُو نَر اِلُو سَا گُوْر کَلَا دیکھی
 بِي مَوْ قَع لُو هِیْسَر نِیچَا، بِي بَہرہ ہر لَتِن
 جَار کِھِنے ہر لَت دِیْمِی عَجَب نَاژ گَا دیکھی
 جَالُو قَدْ نُو سَل اِنے کِنٹے افسرے اِیَا سِرْکَم
 مَوْ اِن یِکَلْمُ تِکَمِکْتے کَارُوے شَوْقَا دیکھی

اَسْ عَلْمِ مَتَّحِنِ شَهْرِنِ سَوْدَاوْ لَو لَوَاوَالِ رِم
 مَوَّوْ دِي بِمِيَا خِيَرِ شَكْرُو مَنَسْ رُوْءِ ثِيَا دِي مِي
 قُرَّانِ هِشْكَايِثِ دُونَسِ كَنِّ مِيْنِ كِ اِيْمِ جَارِ
 سِرِّ پَھِيْمَتَّوْءِ كَا لَوْرِ نَبِيِّ مَعْجَزَا دِي مِي
 سَا نِ لَوْرِ اَيْشِ ثَمِّ دُ سُو كِي مَوَّوْمِي اَيْشِ بَا نِ
 لَوْرُو سِ اِپِي كَلِي لَوْرِ بَهَارِ نِ شَوَا دِي مِي
 دِ مَجَارِ سَفَرِ فَنَسِ نِ غَنِي مَنَزَلِ مَقْصُوْرِ
 بُوْطِ خُوْشِ مَمَّا نِي شُلْكَوِيُو مَوَّوَا نِ بَسَا دِي مِي
 فِرْدُو سِ بَرِيْنِ لَوْرِ مَبِيْنِ عَا لِي سِرْدَارِ
 رُوْ لِي اِيْ سِلِ نَصِيْرَا نِ كُوْ سِ مَعْشُوْقِ يِهْ كَا دِي مِي

Institute for
 Spiritual Wisdom
 and
 Luminous Science

Knowledge for a united humanity

مُحَمَّدٌ شُلُّ مُحَمَّدٌ شُلُّ

(نعت)

غلیسن با بیں ملی نی؟ مُحَمَّدٌ شُلُّ مُحَمَّدٌ شُلُّ
ڈٹکٹ اے ہار بیں گری نی؟ مُحَمَّدٌ شُلُّ مُحَمَّدٌ شُلُّ
خدا شُلُّ بہ نہ عطا میئی؟ بیں ڈم ان رضا میئی؟
اُمّت سکت رہنا میئی؟ مُحَمَّدٌ شُلُّ مُحَمَّدٌ شُلُّ
بہ وجہ ڈم میرا ایم قرآن؟ مٹن دلّس غنی فرقان؟
اُمّت حکمتے نہ دین آسان؟ مُحَمَّدٌ شُلُّ مُحَمَّدٌ شُلُّ
اُمّت دیکرن دِشَم میشا؟ اُمّت توم ضا سقم میشا؟
اُمّت میوان اُیَم میشا؟ مُحَمَّدٌ شُلُّ مُحَمَّدٌ شُلُّ
پکن دریاں جُون میڈم پکن دُنیاں جُون میڈم
پکن آسمان جُون میڈم مُحَمَّدٌ شُلُّ مُحَمَّدٌ شُلُّ
عجب ہن پاک بُلن ایسِن بہشتم کُلکُلن ایسِن
ایش لم سَنبِن ایسِن مُحَمَّدٌ شُلُّ مُحَمَّدٌ شُلُّ

گیم سبباً اُمتِ حکمت؟ اُمتِ ہمت اُمتِ طاقت؟
اُمتِ پرکس اُمتِ دولت؟ محمدے شل محمدے شل

اکھیس دُنیاں عجب شہرِ ایسل تل لعلے بازارن
بہشتم عطرے شریارن محمدے شل محمدے شل

خدا ڈم میر کم سو کمی بہشتم تو مے لمن سو کمی
ایش ڈم چھس نمن سو کمی محمدے شل محمدے شل

اُمتِ شلے بکنے آباد بان؟ اُمتِ دُنیا و لو آزاد بان؟

اُمتِ شریشے دلشاد بان؟ محمدے شل محمدے شل

اُمک شاہی گٹوٹ بیلجا؟ اُمک سنبلکنے بٹو یا بیا؟

اُمک اسقر کے نس گوچا؟ محمدے شل محمدے شل

اُمتِ دریا غم کئے رای؟ اُمس مرا کا اُم کئے رای؟

اُمتِ خنجرے ہرم کئے رای؟ محمدے شل محمدے شل

بہ دلتس سٹ چراغن نا؟ عجب اسقر کے باغن نا؟

اُم ہن عشقے داغن نا؟ محمدے شل محمدے شل

ایونر سا جو سان ایسلن مجتے معجزان ایسلن

نبوتے نورے شان ایسلن محمدے شل محمدے شل

بیس جا جیتے چندک نی؟ بیس جمدیتنے گنے دک نی؟
بیس انے عشقے نوے ہک نی؟ محمدے شل محمدے شل

گنابے گو مو تقویٰ گین؟ درودن سین سلامن سین
خدا شلگووین مناسرہین محمدے شل محمدے شل

عجب مقبول دُعان یُثم اکیس دلتس دوان یُثم
ایم ہن مجھزان یُثم محمدے شل محمدے شل

خیالکثے سکت جہانن گا! لطیف یا قوتے کانن گا!

ایم قدرتے نشانن گا! محمدے شل محمدے شل
محمدے نورے برکت ڈم ژوس بلا موزمانان تھم

ایسل نامو دُخرچلا ام محمدے شل محمدے شل

یقین بلا غینتے چل میسے سترگٹ برے بل میسے

میوندل لعلے تل میسے محمدے شل محمدے شل

نصیر! انے دردے گنے درمان ایم کئے جان ایم کئے کان

یتم دیم علمے دسترخوان محمدے شل محمدے شل

ل: ام = ان

ذکر جمیل

دلش یاد یعنی دیدارے یاد

صاحب دیدارے موز ذکرے جمیل منس
ماروے شریارے موز ذکر جمیل منس
شل بلیکس می ببا عالم ایونز سٹا
حق یکلم رهنما ذکر جمیل منس
سر کے فرشتان من دی ببا شاہ زمیں؟
امت نظرے ایسمن؟ ذکر جمیل منس
نور نبی یثمن آل علی یثمن
علمے غنی یثمن ذکر جمیل منس
نورے ملاقاتکے عشقے مناجاتکے
رحمتے آیاتکے ذکر جمیل منس
انے شلے ارمانکے سٹ کتے فرمائکے
انے اکھیس احسانکے ذکر جمیل منس

نُورِ كَے رَہبرِ اَمِن ؟ عِلْمِ سَمندرِ اَمِن ؟
 ذِکْرِ جَمیلانِ مَنسِ
 آں پَیَمبرِ اَمِن ؟
 جِیئے بَبا شَفقتِ کِث ! نُورِے لِقا حَکمتِ کِث !
 ذِکْرِ جَمیلانِ مَنسِ
 عِقلِ غِذا لَذتِ کِث !
 شَاہِ مُعَظَمِ بَایَا ؟ زُبدِہٗ عَالَمِ بَایَا ؟
 ذِکْرِ جَمیلانِ مَنسِ
 نُورِِ مُجَسَّمِ بَایَا ؟
 لَعَلَّتے کَانَ دِی بَایَا ؟ جَانَ جِہانِ دِی بَایَا ؟
 ذِکْرِ جَمیلانِ مَنسِ
 جِسمِ کَے جَانَ دِی بَایَا ؟
 چِغَمَ کَے اِن دُرُ فِشانِ حَکمتِ گَنے خَوشِ بَیانِ
 جَانَ بَایَا بے جَانَ جَانَ ؟ ذِکْرِ جَمیلانِ مَنسِ
 مِیُسُ لَو دِ سَرِ چِنِ مِیونِ رُو لَو دُ خَرِ چِنِ مِیونِ
 تَحَوُّشِ دِ مِیورِ چِنِ مِیونِ ذِکْرِ جَمیلانِ مَنسِ
 اوسُ لَو بَسِکِٹِ مِینِ اَو غَمِ عِقلِ بُسائِکِٹِ سَقَمِ
 نُورِے مَمولِ بُٹِ اَیْمُ ذِکْرِ جَمیلانِ مَنسِ
 ماہِ تَمامِ دِی بَنا ؟ وَقتِے اَمامِ دِی بَنا ؟
 شَاہِ اَنامِ دِی بَنا ؟ ذِکْرِ جَمیلانِ مَنسِ

رازِ بشرِ دی بگما؟ گنجِ گہرِ دی بگما؟
 جیتے طمُرِ دی بگما؟ ذِکْرِ جمیلنِ منس
 انے شلے دیدارِ اَیْمِ انے مکے گفتارِ اَیْمِ
 انے سرے کردارِ اَیْمِ ذِکْرِ جمیلنِ منس
 ذِکْرِ خُدا کله بٹ انے چشمِ بصیرتِ فُط انے
 تھم چغٹ بس کھٹ انے ذِکْرِ جمیلنِ منس
 راہِ پیغمبرِ اُمّت؟ علمے ہکلمترِ اُمّت؟
 حکمتے گنے درِ اُمّتِ ذِکْرِ جمیلنِ منس
 بیشکی شو قمُ رحمتن! بیروتِ اَیْمِ دولتن!
 بیشکی شتلو عزتت! ذِکْرِ جمیلنِ منس
 جسمُ لو بای جانُ لو یثما قرآنُ لو
 انے صفتِ اسمانُ لو ذِکْرِ جمیلنِ منس
 انے گنے جی دیو نصیر! انے شلے سکتُ لمُ فقیر!
 تاکہ گما اسیرُ ذِکْرِ جمیلنِ منس

لہ: در = پکٹ

شُکْلے حکمتِک ہزارن

جا پاد شالے یُثم شُکْلے حکمتِک ہزارن
جاروے ببالے یُثم روے عزتِک ہزارن

” ” ”
شُکْلے اوّے بر چلکِک دین اُس لُم زمین دے سرچی
دیقانے مل بسیولہ حلے برکتِک ہزارن

” ” ”
جا جیمو رایے کھولے گاین انے شُکْلے شُکْلے دُفسُ با
قرآنے نورے آسی شُکْلے آیتِک ہزارن

” ” ”
مولا علیے کرامت یُثم کے یُثم ما
فردوسے باغے میواروے لذتِک ہزارن

” ” ”

نورِ نبی علی بائی ایمانے ملکہ سرکار
انے کا خدا ایکل ڈم سرے رحمتک ہزارن

” ” ”

ان زندہ ہن جہانن ہن عشقے لامکانن
ان بُٹ اکھیس بہشتن انے جنتک ہزارن

” ” ”

ان ہادی زمانہ قرآنے علمے برکس
ہن نور ہمیشہ قائم لیکن کتک ہزارن

”

چپ لم خزانہ یڈا؟ ساس ہشی گور مبارک!
گور نو پڈن ازل ڈم رُوے دولتک ہزارن

” ” ”

تظلمن منی کے دُنیا ہیرنا حضورے پکڈے
منظور منی کے میٹھی انے شفقتک ہزارن

” ” ”

ذِکْرِ کَثِیرَے گورشا دُنیا ایلونے تل گول
گوریمی اِسے سکت ڈم رُوے راحتِک ہزارن

" " "
شَلْکُوین! ایسل حقیقت ہر گنڈ دُمائے پُنجِیڈن
انے رحمتِک ہزارن می غفلتِک ہزارن

" " "
چھیٹین اِی بہ گوٹم گوس لم ہشاکت بہ دوئم
قرآنے اِی بہ گورسی انے حکمتِک ہزارن

" " "
کلہ بٹ متھن گنن گا انے نورے تھاکتے پت خا
غوا ہر گوبت ہزارن دا ایک رتت ہزارن

" " "
ہن حالے کا خدا بای انسان ہمیش فرم فر
ہن گنڈے گوئی بہ یشا گو سے حالتِک ہزارن

" " "

لیکن خدایے ہر مہک انسان یکل نے ژرخیدن
گو کا پڈن ایسل نا انے قدر تہک ہزارن

قرآن کے نورے وجه ڈم اسلامے دین مکمل
قرآن غتھے یڈن گو کے جتکت ہزارن

گوس لم بسیکھے نزاکت گوریل مناس اواجی
اسمان زمین یکل ڈم ہڈا آفتکت ہزارن

جا ایٹنہ اس تق آچان نیچم لے جیٹے مولا؟
ڈم رس منس خدا ڈم ڈکو ہمتکت ہزارن

یارب! نصیرے سیبائی تل عاجزیے دعامت
ہر مومنر نصیب اے انے نصرتکت ہزارن

بیسن جُونِ اکو غن

مظہر یزدان ژوس بیسن جُونِ اکو غن
معنی قرآن ژوس بیسن جُونِ اکو غن
جنتے دربار مناس رحمتے دیدار مناس
رُو مُڈے شریار مناس بیسن جُونِ اکو غن
عشقے مناجات مناس نورے ملاقات مناس
گلچنے برسات مناس بیسن جُونِ اکو غن
شہد و شکر دیمیا؟ علم و ہنر دیمیا؟
جان و جگر دیمیا؟ بیسن جُونِ اکو غن
گوس لو امام غنی کے عقلے کتاب غری کے
سرینکے گوس بسی کے بیسن جُونِ اکو غن
راز کے برکس ایسل لعل و گہرے چھس ایسل
رُو لو ژو یار قس ایسل بیسن جُونِ اکو غن

حضرتے معراج ایسل نورے بباراج ایسل
 ایسل علم تاج ایسل بیسن جوُن اکو غن
 شاہِ زمن دیم لو امرے دمن دیم لو
 چندوے تن دیم لو بیسن جوُن اکو غن
 شاہِ شریعت کے ان پیرِ طریقت کے ان
 گنجِ حقیقت کے ان بیسن جوُن اکو غن
 نور کے مولا ژوس جنتے طوبی ژوس
 عالم بالا ژوس بیسن جوُن اکو غن
 دینے شہنشا کلام نور ہدایت مدام
 شکر وائے نی لے صبح و شام بیسن جوُن اکو غن
 ان نوے کشتیولو با عالم شخصیولو با
 حکمتے گردیولو با بیسن جوُن اکو غن
 جسم بی ناسوت لوجی بلا ملکوت لو
 عقلے سا جبروت لو بیسن جوُن اکو غن

گوُسُ لو گر یگ یثما خلدے بیٹ یثما
 نورے گتیک یثما بیسن جُون اکو غن
 فضل و کمال انے بلا حُسن و جمال انے بلا
 جاہ و جلال انے بلا بیسن جُون اکو غن
 حضرت مولا امام نورے ساعالی مقام
 معنی دار السلام بیسن جُون اکو غن
 کھین کے زما نا علی یثما سین یا علی
 یثما گو کا علی بیسن جُون اکو غن
 گوُسُ لو بہشتن نمُن یثما سر کُٹے دمن
 نا شکر یے ارگمن بیسن جُون اکو غن
 بُرغورُون منی کے غیبے قون منی کے
 گوٹ سُون منی کے بیسن جُون اکو غن
 جنت لُم نس ژوشی مجلسے گنے ہس ژوشی
 شعر و سخنے اَس ژوشی بیسن جُون اکو غن

رہزے برکث سین نصیر بہ یسکی ماہ منیر؟
جیتے بریس ڈم اسیر بیسن جُون اکوغن

بیت

۵، جمادی الثانی ۱۴۰۸ھ

۲۵، جنوری ۱۹۸۸ء


**Institute for
Spiritual Wisdom
and
Luminous Science**

Knowledge for a united humanity

دوستِ مُصطفیٰ

- ۱ انبیاء لہر گہ شہنشاہِ مصطفیٰ ننگِ یاری کیم؟
اُول علی المرتضایمِ مُصطفیٰ ننگِ یاری دُور
- ۲ صر جھاد ننگِ لشکر یکہ نامدار سرداری کیم؟
ذوالفقار ننگِ ایگاسی مولانا علی سرداری دُور
- ۳ قیسی نعمت دُور کہ تو گو ماس لذتی ہمِ راحتی
دلبرِ زیبای علی ننگِ رنگِ برنگِ دیداری دُور
- ۴ سوز لاگوچی قرآنِ علی دور ہر لباسی دا آشکار
ہر زمان دا صحر مکان دا صاحبِ اسراری دُور
- ۵ ہم مکان دالامکان داعرشی دا ہم فرشی دا
مرتضیٰ دور مرتضیٰ ننگِ بوالعجائب کاری دُور
- ۶ یار ننگِ جلوہ عجب دور ہر زمان ہنگِ شکلی دا
عاشقان لہر ننگِ عجب بر دلبر عیاری دُور

۷ من گل و گلزارِ دُنیا غه فقط محتاج اماں
ہر زمان جان و دلیم داعشقی ننگ گلزاری دُور
۸ شاہ ننگ دیدار اُوچون بس بیقرار دُور شول نصیر
بیقرار لر ننگ قراری شاہ ننگ دیداری دُور



**Institute for
Spiritual Wisdom
and
Luminous Science**

Knowledge for a united humanity

غلامِ علی

- ۱ من علی گہ بندہ دُور من شاہِ سُلطانیم علی
طا عتیم حجیم نمازیم دین و ایمانیم علی
- ۲ کُنْتُ کُنْزاً مُخْفِياً الْکَلَابِ نِخْرَانِ اِیْتِاسَامِ
باشقہ برکشی تا پادیم اول گنج پنهانیم علی
- ۳ درد و غم دین جیغلاما یمن جیغلاسام دیدار اُدچون
را حتم نوریم شفا یم جزو درمانیم علی
- ۴ کُونْدِ اَبُو زَمَنْگِ مَقْصِدِیْمِ تَا پَتِیْمِ عَلِی بِنِگِ فَضْلِی دِیْنِ
جان پناہیم مہربانیم مشکل آسانیم علی
- ۵ شُولِ زَمَانِ سُلْطَانِ مُحَمَّدِ شَاہِ عَلِی دُورِ اَوَّلِ عَلِی
نوریزد انیم علی دُورِ مَعْرِزِ قَرِآنِیْمِ عَلِی
- ۶ جِیْدِرِ صَفْدِرِ عَلِی دُورِ فَاتِحِ خِیْبِرِ عَلِی
شاہِ دُورِ انیم علی دُورِ شَاہِ مَرْدِ انیمِ عَلِی

- ۷ لَأَفْتِيْ اِلَّا عَلٰى لَاسِيْفٍ اِلَّا ذُو الْفَقَارِ
 مصر بلا دین سا قلا غوجی سن اے نگہبانیم علی
- ۸ رمز جبلُ اللہ علی دُور عَزْوَةٌ اَلْوَثْقٰی عَلٰی
 مالکِ حور و قصور و خلد و رضوانیم علی
- ۹ ایکی عالم داسخی سلطان محمد شاہ علی
 حشر دا قاضی علی دُور شاہِ شاہانیم علی



**Institute for
 Spiritual Wisdom
 and
 Luminous Science**

Knowledge for a united humanity

يا علی ده یدو

- ۱ دل بتحقیق یا علی ده یدو
جان بختی مرتضای ده یدو
- ۲ بُو باشیم هم همیشه یرگه باریپ
جان فدا سرفدا علی ده یدو
- ۳ ایملکی ظاہر کوزوم علی فی کوزوپ
انت شمس الضحیٰ علی ده یدو
- ۴ قولاً قییم شاه نیث کلام اکلایپ
پاک سہن دائٹما علی ده یدو
- ۵ ذکر مولاتیلیم غہ لذتلیک
ای تو مُسکَل کُشا علی ده یدو
- ۶ قوللاریم ہر قچان دُعا قیلسام
دستگیر رہنا علی ده یدو

- ۷ تینا قیم ایکی "طو" توبان اوستون
در زمین و سما علی ده یدو
- ۸ همه اعضا لاریم خفی و جلی
حق حقا حق حقا علی ده یدو
- ۹ آدم و نوح و هم خلیل و کلیم
عیسا و مصطفی علی ده یدو
- ۱۰ آسمان یر درخ گیاه حیوان
آدمی زاد یا علی ده یدو
- ۱۱ جن پیری لار فرشته لار هر دم
شاه وجود و سخا علی ده یدو
- ۱۲ انبیا اولیا و نیکان لار
رهبر و پیشوا علی ده یدو
- ۱۳ قیسی مومن بلاغه پوساد و چار
المدد یا فتا علی ده یدو
- ۱۴ بلبیل و قمری و گل و غنچه
مرجا مرجبا علی ده یدو
- ۱۵ صدق و اخلاص بیان نصیر الدین
جان فدا مه نقا علی ده یدو

حق مولا مولا دايلي

- ۱ ہر غم ہر بیر خفایق تہ حق مولا مولا دايلي
ہر مشکل ہر اغریق تہ حق مولا مولا دايلي
- ۲ شاہ نیك اسمی راحت دُور طاعت لار نیك طاعت دُور
عزت لار نیك عزت دُور حق مولا مولا دايلي
- ۳ شاہ نیك اسمی نجات برگوچی عاشق لار غم قنات برگوچی
اولگان لار گہ حیات برگوچی حق مولا مولا دايلي
- ۴ شاہ نیك اسمی سلطان دُور سلطان لار نیك سلطان دور
مومن لار نیك ایمان دُور حق مولا مولا دايلي
- ۵ شاہ نیك اسمی حُرمتلیك شاہ نیك عشقی لذتلیك
شاہ نیك ایشلاری حکمتلیك حق مولا مولا دايلي
- ۶ شاہ نیك اسم لاری بیرمیك ایشلار شاہ نیك شان دہ وانظار
شاہ قیوم دُور شاہ قادر حق مولا مولا دايلي

- ٤ شاه نيٺك و صلى ني استايميز نور و جمالي ني استايميز
- قرب و جلالي ني استايميز حق مولا مولا دايلي
- ٨ مومن لار نيٺك صادى كيم ؛ تايم كيم دور ؛ مهدي كيم ؛
- محشر كوني داي قاضى كيم ؛ حق مولا مولا دايلي
- ٩ عالم لار نيٺك خالق كيم ؛ مخلوق لار نيٺك رازق كيم ؛
- پادشاه ليقت ، لائق كيم ؛ حق مولا مولا دايلي
- ١٠ دايم ياد قيل مولا نيٺك طاعت قيل اول دانا نيٺك
- قوللوتى قيل سمن آقانيٺك حق مولا مولا دايلي
- ١١ يا مولا ييم دستگير عاجز بنده ك دور نصير
- يا مَنْ صَوْنَعْمِ النَّصِيرِ حق مولا مولا دايلي

Spiritual Wisdom
and
Luminous Science

Knowledge for a united humanity

اوجی سان میڈم

اوجی سان میڈم عجب ان نوریزدان بھما؟ بیہیم
 ساڈ لو آیا جت پڈم جانوسے قرآن بھما؟ بیہیم
 آسمان ڈوم ہول نوین ہن پادشان دیہم سبوتر
 ہن اکھیس شانن بلیم می شاہ مردان بھما؟ بیہیم
 عشقے دنیا رس ایون بس ان یکل اوس فرنے ہم
 قبلہ عشاق عالم جان جانان بھما؟ بیہیم
 عالم بالار پنجوم شلگو یو محبتے گلگتے دل
 ان ہدایتے سگ گری اوسے اوسلو تابان بھما؟ بیہیم
 نورے مَرکا، حُب مولا ہمشوایلے مستانہ ہم
 نوسے کوثرے چلے بگارو ماہ خوبان بھما؟ بیہیم
 انے عجائب جلوہ میگت نیڈہ بخودیئے دریا ڈو با
 مظہر نور الہی سریزدان بھما؟ بیہیم
 جیتے جان جا لعلے کان جا مٹکے سمندر میڈما؟
 علمے برکس نوسے بل جا گنج پنہان بھما؟ بیہیم

گون مناس ڈم یر پائیدم اس چرق نما سر کسن
 حضرت شاہِ ولایت ا سلو مہمان ہما ؟ ہیم
 ا سے لطیف آبادی ٹیڈم تو م کے اسقر چکش
 روئے شیش کسے باغبان جا ا سلو دلقان ہما ؟ ہیم
 انے ملاقات ا سے ملی ، دا انے جدائی ا سے میائی
 جار ایش ڈم دیم طبیب ای ، جیمو درمان ہما ؟ ہیم
 رولو دنیا تن بلم ، دا علمے اسمان بلم
 دینے عزتے پادشاہ ای عقے اسمان ہما ؟ ہیم
 علمے چل دو لن شگوتیگے میر مگ آباد منی
 می زمانہ مرتضا خود علمے دریاں ہما ؟ ہیم
 رولو قرآن بلم ایت ای غراسن جیندوں
 نورے فرقان نما ای جا شاہِ دوران ہما ؟ ہیم
 عیبے گن ڈم شسوارن دین زمین ٹے گشت ایتای
 حیدرِ صفدر علی ان مرد میدان ہما ؟ ہیم
 ان ٹروس ڈم عاشقا تیگے دین دایمان گٹ منی
 یا الہی سر کسن ! ان نورِ ایمان ہما ؟ ہیم

رُدے جہانگے عزمِ گیتِ ایکان کن دیم سُبُوْر
 بُٹ نَسائے پادشان! می دینے سُلطانِ بَمَا؟ مِم
 ان ڈوس پریر شُکُو تِگے او سُلُو جنتِ یُذ من
 عقدے کا ایلس بِلْم ان ذاتِ رِضوانِ بَمَا؟ مِم
 اَسے رَحَل طے یُذ باہن نورے قِسرانِ بِلْم
 جیتے جی! وا جیتے یار! اُن نورِ عرفانِ بَمَا؟ مِم
 بے شمارن رحمتگُز کا مار فرشتان دی بَمَا؟
 اہلِ محلے یُذ من می شادِ ذی شانِ بَمَا؟ مِم
 بُٹ اکھیس حکمتگے نِظن! دینے تھیکسے ڈون نصیر!
 اُم لُوچین لُوچپ ٹن گور دینے لُقمانِ بَمَا؟ مِم

۱۵/۱۲/۸۸

Knowledge for a united humanity

توصیفِ حضرت حکیم پیر ناصر خسرو ؒ

”کتب میر برکٹ اوسای“

کتب میر برکٹ اوسای	کتب میر برکٹ اوسای	زمانا پیرِ کامل بم
کتب میر برکٹ اوسای	ہلیتے نورے شال . بم	ہینس گئے کائناتن بم
کتب میر برکٹ اوسای	فرشان نو سے ذاتن بم	بٹن علمک بڈم ایکا
کتب میر برکٹ اوسای	رور آبِ حیاتن بم	امامے علمے کانن . بم
کتب میر برکٹ اوسای	بٹن حکمت ہینم دانا	کتب انے لعلے بازگ
کتب میر برکٹ اوسای	یہ تئیلے گرمنای ہا سیا	خدائے فضل و رحمت ڈم
کتب میر برکٹ اوسای	حقیقتے آسمانن بم	
کتب میر برکٹ اوسای	بٹن سے جان جانن بم	
کتب میر برکٹ اوسای	اکے رش نورے شرایارگ	
کتب میر برکٹ اوسای	میسر بڈہ عقلے گرومارگ	
کتب میر برکٹ اوسای	رسولے نو سے برکت ڈم	
کتب میر برکٹ اوسای	امامے امرے حکمت ڈم	

کتب میر برکرت اوسای	یقیناً علم اسما پیر	میر علی دریا پیر
کتب میر برکرت اوسای	زمانا عقلے یکتا پیر	جوانن ہم مپیرن ہم
کتب میر برکرت اوسای	ڈکٹن ہم بٹ دلیرن ہم	خداے گن لو شیرن ہم
کتب میر برکرت اوسای	سکن بلا نور عرفان ڈم	مملک بیسے گنج قرآن ڈم
کتب میر برکرت اوسای	بیان بلا ستر یزدان ڈم	امانے نوے سگ ہم ان
کتب میر برکرت اوسای	قرآن علمے شگ ہم ان	ویا ہم دینے هگ ہم ان
کتب میر برکرت اوسای	غوا لو میر گریٹ دیوسای	تتگ چھرے دل گینگ دیوسای
کتب میر برکرت اوسای	بیان ولایت دیوسای	می خافل ہم لے شگ میرای
کتب میر برکرت اوسای	قیامتے برغو میر ایغرای	ہشتے میوہ میر ایشلا ی
کتب میر برکرت اوسای	بہشتے میوہ میر ایشلا ی	ہیم ہم سرمایہ حکمت
کتب میر برکرت اوسای	مگرانے گئی نے رٹے دولت	بٹن دجا رنشین حجت
کتب میر برکرت اوسای	ہکن ان اعتکاف لو ہم	ہکن کعبا طواف لو ہم
کتب میر برکرت اوسای	ہکن رو لے کوہ قاف لو ہم	

کتب میر برکرتش اوسای	تلم ڈم علم و حکمتے زور	وخت ڈم لعلے چنگے گوڑ
کتب میر برکرتش اوسای	ایسبن ژوین کراتے کور	اماتے نوسے ہٹک بم ان
کتب میر برکرتش اوسای	جمادے کچے اگ بم ان	نبای گلی بم جون بای پیر
کتب میر برکرتش اوسای	حکیمتے عقم جون بای پیر	برچپ آدم جون بای پیر
کتب میر برکرتش اوسای	حقیقے سندھ سندھ بای	ترکوک بان لے ان چھس بای
کتب میر برکرتش اوسای	میسر پیر علمے برکرتش بای	عجب هن عقلے طون گا !
کتب میر برکرتش اوسای	اماتے نوسے نورن گا !	عجب هن رونے ظہورن گا !
کتب میر برکرتش اوسای	سلام ان گنج اسرار	سلام ان علمے سردار
کتب میر برکرتش اوسای	سلام می پیر غمنوار	سلام می پیر شاکر بای
کتب میر برکرتش اوسای	مواہدے ہٹکدہ حاضر بای	نصیری پیرے شاکر بای
کتب میر برکرتش اوسای	ہزارن ہیشی شاکر بای	

ہونزہ - ۱۶/۹/۹۱

شکر و منس یا خدا

بموقع تشریف آوری اہل زمانہ

- | | |
|------------------|----------------------|
| شکر و منس یا خدا | ۱۔ شاہ سلامت دیا |
| شکر و منس یا خدا | ۲۔ حضرت دیدار منی |
| شکر و منس یا خدا | ۳۔ نورے بہارن دیا |
| شکر و منس یا خدا | ۴۔ اُس لوگلابن ایسل |
| شکر و منس یا خدا | ۵۔ نورے لیکھے باغبان |
| شکر و منس یا خدا | ۶۔ دلے سہ موفر منی |

شکر و منس یا خدا	می گری نور علی	۷۔ مُوروشی آلِ نبیؐ
شکر و منس یا خدا	کھین کے زمانا سمخی	۸۔ جاشگورے شل اُمیم
شکر و منس یا خدا	انے نئے گلگل اُمیم	۹۔ علمے سمندر دیا
شکر و منس یا خدا	انے چھس لم بل اُمیم	۱۰۔ شل گو یوبم ببقار
شکر و منس یا خدا	رُوے ہوئے افسردیا	۱۱۔ میس رو بسیک دغشی
شکر و منس یا خدا	ساقی کوثر دیا	۱۲۔ نورے ہٹکایک می بیا
شکر و منس یا خدا	چورم و لمم انتظار	۱۳۔ اس نو عنم کوہ طور
شکر و منس یا خدا	مُودیا می جیے یار	۱۴۔ مواسے تارن تروشی
شکر و منس یا خدا	جیے شینگ دغشی	
شکر و منس یا خدا	عقلے گریک دغشی	
شکر و منس یا خدا	میرنے بزن قما سقا	
شکر و منس یا خدا	میلے تلا بجم سسا	
شکر و منس یا خدا	معنی آیات نور	
شکر و منس یا خدا	عشقے پریلوے زبرد	
شکر و منس یا خدا	غیبے ستارن تروشی	
شکر و منس یا خدا	جیے دنارن تروشی	

عزت گلتن دیا	۱۵۔ موتو اپلتن دیا
عشقے صر لتن دیا	۱۶۔ انر پزنداس منام
عشقے نفل بس منام	
انے چھس لم باس منام	
شکر و منس یا خدا	۱۷۔ نورے طعام آسرای
شکر و منس یا خدا	۱۸۔ عالم جان آلتیرای
شکر و منس یا خدا	۱۹۔ امرے دن بای امام
شکر و منس یا خدا	۲۰۔ اس لوشہنشان بیا؟
شکر و منس یا خدا	۲۱۔ شل گوپو مویات ایچن
شکر و منس یا خدا	۲۲۔ دیسما ماہ منیر؟
شکر و منس یا خدا	

بدھ ۲۱ ربیع الثانی ۱۴۱۲ھ ۳۰ اکتوبر ۱۹۹۱ء - کراچی

